



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 5. Reliquiæ Aedis Lauretanæ eius religionem propagant.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

noxiæ cædebantur: nebulosæ siccabantur lacunæ: colles Lauretanæ sedi officientes ad solum diruebantur. Surgebant eodem tempore ædes Pontificiæ: exstrebatur porticus: templi tholus plumbeis integrabatur laminis. magnifica illa sacrosanctæ Domus cælata crusta (quæ haud procul fastigio aberat) præcipuè vrgebatur. Iam peruetustum, ac fumosum lacunar tectumque architectus ex Pontificis authoritate deicerat. Et quia concamerandi facelli ratio exigebat, summos etiam parietes semicirculis, & pietis fictilibus insignes pariter cum tintinnabuli, camini que culminibus, demolitus erat. Igitur solidus fornix nouis magis, quam veteribus parietibus incumbens, imponitur: nitidus tum quidem, & concinnus erat; sed hodie propter copiam luminum horridus fumosusque. Porro ne ea, quæ ex augustissima Virginis cella necessitas detraxerat, hominum incuria perderet, sacras trabes, asperes, tegulas, tabulasque, & quæcunque ad tectum sanctissimæ Aedis pertinebant, sub eiusdem paumento defodi placuit. Itaque hæc cum fide inibi sunt defossa: ut loco mota, quam minimum locum mutarent.

Reliquiæ facelli Lauretani miraculis fulgent, & Aedis Lauretanæ religionem propagant.

Cap. V.

Caeterum fictilia, & quædam laqueati testi tabulæ, pro sacrī reliquijs, ut erāt, asseruatæ, partim miraculorum materiam præbuerunt, partim etiam Aedis Lauretanæ religionem longe, ac late propagarunt. Vetus opinio erat, vasa illa fictilia in armario B. Virginis ab Apostolis olim reperta, atque idcirco cum Natalis eius domus consecrare, ab ijsdem in summis facelli parietibus collocari iussa non ornandæ magis ædis gratia, quam illorū religionis tuendæ. Adiuuabant hanc opinionem quædam non

non leues coniecturæ, quæ multis fidem facere videbantur, fictilia illa in supellectili Deiparæ fuisse. Namque ea vascula (quod ex ijs ipsis, quæ hodie exstant coniectari licet) haud sane à vilioribus, vulgatisque vſu abhorrent: & magnitudine sunt inter se longe imparia, cum tamen cultus ædis, & semicirculorum ratio paria vtique postularet: vt appareat non tam illa ad facelli ornatum esse quæsita, quam ad ipsa ornatum facelli accommodatum. Verum siue illæ patinæ è B. Mariæ supellectili, siue ex medio sumptæ ad cellæ ornatum, haud immerito cum ipsa Virginis cella dedicatæ religionem habuerunt. Plerasque tam earum intercidisse reperio, ad propagandam Lauretanæ Virginis religionem, vt reor interuersas. Nonnullæ in Lauretani Templi pariete ad ianuam, quæ est ab latere, insertæ hodieque visuntur. Paucæ asseruantur haud quam miraculorum expertes. Compertum habeo Laureti sacerdotem mihi notum grauiter ex capite laborantem, sacra capidine capiti admota, subito conualuisse. Alterum item sacerdotem graui febri afflictatum, hausta indidem frigida, extemplo morbum depulisse. Porro sacrarum tabularum reliquiæ religionem Lauretanæ Domus toto propemodum orbe protulerunt. Quippe vt semel dispertri sunt cœptæ, alijs ab alijs diuisæ ad omnes propemodū nationes peruenere: ac pro sacris reliquijs, vt par erat habitæ, mirandum in modum Lauretanæ Virginis auxerre cultum, cuius religione imbutas quodammodo illas es se constaret. Ac verisimile est per hanc occasionem plurimis locis Lauretanæ Virginis ædes excitatas, siue tanti præsidij ad populos monumenta, siue solatia eorum, quos aduersa valetudo, aut occupationes, aliae impedimenta Lauretum ire prohiberent. Satis constat per id maxime tempus, non in Piceno solum & Italia, sed etiam in transalpinis, disiunctissimisque regionibus esse facella Lauretanæ Virgini exstructa. Quorum conditoribus quid optatius esse potuit ad illarum ædium religionem, quam

Q

aliquid

aliquid ex Lauretana Domo reliquiarum habere? quid consultius, quam cum sacros inde lapides auferri religio vetaret, teclii particulam, quam custodum liberalitas haud ægre largiretur, impetrare? Certe per ea ferme tempora plurimas vbiique terrarum Deiparæ Lauretanæ sacras ædes dicatas reperio: quod sane haud in minimis Lauretanæ Virginis laudibus pono, tam gratam iucundamque fuisse apud aduenas eius memoriam, ut perpetuum eiusdem

Aedes Lau-
retanæ pas-
sim extruct.

Aedes Lau-
ret. Romæ.

Aedes Lau-
ret. Neap.

Aedes Lau-
re. Panormi
& Messanæ.

Aedes Lau-
rei. in Fran.

Aedes Lau-
in Lusitania

monumentum, ac simulacrum domi habere voluerint. At que vt de Piceno taceam, cuius nulla vrbis, nullum ferme oppidum est, vbi non ædes aliqua existet sacra Virginis Lauretanæ. Nobilissimæ quoque Italæ vrbes eidem non vulgaria templa consecrarunt. Romæ quidem templum visitur B. Mariæ Lauretanæ sane magnificentum, & Romana munificentia dignum; cuius formam: fama est à Michaelo Archangelo Bonaroto Architecto nobilissimo esse descriptā.

Neapoli quoque haud inconcinnæ ædes Lauretanæ Virginis visitur, & quidem orphanotrophio insignis. Iam in duabus nobilissimis Siciliæ vrbibus, Panormi inquam, & Messanæ, exploratum habeo sanctissimam esse memoriam Virginis Lauretanæ, eiusque nomini ædem à Panormitanis intra vrbem, à Mamertinis in suburbio dedicatam.

Nec vero Italæ finibus se tenuit hæc Lauretanæ Domus religio, sed strenue transgressa est Alpes. F. Vincentius quidam sacerdos ex Franciscana disciplina probus, ac pius fuit. Is Laureto regressus in Franciam, in suburbio Lauelis (quod oppidum est Dioecesi Cenomanum) ædiculam exstruxit ad exemplum facelli Lauretani, eamque Lauretanæ Virginis nomine appellavit. Hæc hodie quoque, vel ab accolis, vel à peregrinis impense colitur. Et

Lusitania quamuis celeberrimus, ac religiosissimis Deiparæ Virginis ædibus prædicta, Lauretanæ quoque ædis religionem secuta est. Itaque haud procul Conimbrica in suburbano, amænissimo loco templum Lauretanæ dicitur Virgini, quod quidem maxima etiam finitimarum po-

pu-

pulorum frequentia celebratur. Brigantiæ item alterum,
tertium Olyssippone lōge augustissimum , quod etsi ab Ita-
lis conditum , excultumque magnifice ; tamen etiam ab
indigenis religiose frequentatur . Ad hæc optimis autho-
ribus comperi , in Scotia duo B. Mariæ Lauretanæ facel-
la exstructa olim fuisse, alterum in oppido Pertho, quod
etiam S. Ioannis nomine appellatur, alterum propter viā
qua itur Mussilburgum haud procul Edimburgo vrbe re-
gia Scotiæ . Vtrobique porro Lauretanam Virginem reli-
ligiosissime cultam : in Mussilburgensi autem suburbanō
etiam maximis peregrinorum concursibus , ac B. Mariæ
miraculis celeberrimam extitisse , quandiu orthodoxa re-
ligio in Scotia steterit . Postea vero quam in illo religio-
fissimo quondam Regno Caluiniana pestis furere, debac-
charique cœperit, sacram illam ædem ab illis furijs ita di-
rutam , vt tamen ruinæ exstant , vel illorum væcordiæ ,
vel auitæ Scotorum religionis indicia . Ac Mussilburgensis
quidem facelli hanc originem accepimus . Scotum here-
mitam olim peregrini habitu Lauretum ad salutandam
Virginem accessisse : inde reducem sacri tecti particulam
secum in patriam tulisse : ibi corrogata à pijs hominibus
pecunia , ad Mussilburgum Lauretanæ Domus excitasse si
mulacrum , eique B. Mariæ Lauretanæ nomen fecisse: id
templum , & sacrarum reliquiarum , quas diximus inibi
depositarum cultu , & Lauretanæ Virginis (cuius celebre
erat illis quoque gentibus nomen) religione inclytum
extitisse , quoad vt ante diximus , væfana Hæreticorum
rabies suerit .

Aedes Lau.
in Scotia.

Q 2 Calari